



Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Q. 118. Quid dicendum sit, si non præscribatur expressè quoties, vel ad quam intentionem sit celebrandum.

urn:nbn:de:hbz:466:1-42600

apud *Dianam* p. 2. T. 14. R. 28. dicit semel iterumque de septimana abstinere posse devotionis & reverentiaz causâ : *Steph.* T. 5. d. 4. n. 75. dicit posse semel, idque colligit ex *Cap. significatum*, de præb. , ubi dicitur de tali, ut quanto frequentius potest, celebret, salvâ honestate & debitâ devotione. Admittit etiam *Leg.* posse semel vel iterum de anno celebrare pro aliquo fibi valde conjuncto, v. g. qui obiit vel est in gravi necessitate, nimis enim durum foret id negare illi , & revera consentiret fundator, si rogaretur: *Imò Gob.* & alii dicunt posse de anno quinques aut sexies vel etiam sæpius celebrare pro se, cognatis vel benefactoribus aliis, quod omnino rationabile est, sed consultit *Steph.* n. 74. , ut simul applicet pro fundatore, quantum huic prodesse potest: supposito autem, quod talis possit aliquando omittere Missam, tamen si legat omni die , non potest ullam legere pro stipendio ad intentionem alterius, quia talis non potest præsumi esse intentio fundatoris, *Diana Pasq.* de *Sacrif.* q. 1194. *Steph.* n. 75. : imò si de septimana posset semel omittere & vellet omni die legere, non posset communiter legere pro se vel pro alio gratis, *Pelliz. Gob.* n. 584.

Plura circa hæc videri possunt apud *Barb.* de post. Ep. alleg. 24. à n. 29. *Pasq.* de *Sacrif.* à q. 1116. *Gob.* T. 3. à n. 504. & in *Clypeo* n. 501. , ubi fusè agunt de obligatione celebrandi ratione Capellaniæ vel beneficii.

Q. 118 Quid dicendum sit, si non præscribatur expreßè quoties, vel ad quam intentionem sit celebrandum. R. §. I. Si quis habere non possit literas foundationis, aut ex his non possit rescire obligationem ad Missas, an nempe teneatur omni die, septimanâ vel mense, inquirat quid fecerint antecessores, & idem faciat; aut attendat, quæ sit quoad similes funda-

fundationes consuetudo regionis & loci, in quo beneficium, & secundum illam procedat: quod si mos sit varius, sequi potest hoc, quod est minus. Si tamen reditus sint pingues, nec aliunde colligere possit, quoties teneatur, putant *Tamb. & Gib.* in *Exp. T. 3. n. 478.* teneri omni die, & si haec neglexerit, debere compensare, quantum factus editior, quia ubi fructus sunt aequales obligationes quotidiane, haec presumi debet imposita, nisi aliud constet.

332 §. II. Si jubeatur celebrare, quoties salva honestate ac cum debita devotione poterit, secundum *Panorm. Silv.* & alios non tenetur, si passus sit pollutionem, etiam sine culpa; nec si à gravi passione iræ aut tristitiae non facilè possit animum compонere: nec si malè habeat aut sentiat tedium, quod non facilè possit excutere; nec si sentiat cruditas stomachi, quales ex erupula & epulis relinquuntur; nec quando est ita affectus, ut non videatur sibi posse tantam functionem cum debita devotione & attentione obire: de cætero debet quotidie, nisi legima consuetudo vel auctoritas aut similis causa justificet, *Less. in auct. v. Missa cas. §.*

333 §. III. Si constet Missas, v. g. tres in septimana esse legendas, & nesciatur ad quam intentionem, presumendum est fieri debere pro anima vel familia fundatoris, quia in dubio quisque presumitur sibi vel suis voluisse optimè consulere, *Bonac. Lugo.* *Pasq. q. 908. Gob. n. 494.*, pro quo declarationem *S. Congreg.* refert *Pignatelli Tom. I. Cons. 139.* Hinc docet *Sylvius p. 2. v. Missa cas. 4.*, si fundatio nudè habeat, fundo Missam omni die Veneris legendam, presumi legendam ad intentionem fundatoris, quia usus est fundantium, ut quamvis Missa talis sit etiam ad devotionem vel commoditatem pos-

puli,

poli, tamen velint sibi & familiæ prodesse, ideoque assignant stipendium. Quod si prudenter præsumatur, quod non intenderit specialiter fructum Sacra-
ficii, sed tantum venerationem loci vel temporis aut
aliquid simile, qui non posset celebrare isto loco vel
tempore, non teneretur alio, sicuti qui ad honorem
S. Bernardi vovisset jejunare pridie festi ipsius, si
cum non posset, non teneretur alio die, *Burgh. Gob.*
n. 577., ideoque semper posset Missam applicare al-
teri pro stipendio, *Lugo* à n. 36. *Steph. t. 5. d. 4* n. 66.
Præsumi tamen vix potest, quod fundator non in-
tenderit simul fructum sacrificii, hinc manebit ob-
ligatio alio loco vel tempore celebrandi: si tamen
jubetur celebrare, quando ad Ecclesiam accedit
multus populus, putat *Tamb.* in meth. celebr. l. 3.
c. 1. §. 3. à n. 20. posse præsumi, quod fundator
principaliter intenderit solam celebrationem fieri,
non autem applicari sibi Missam: idem dicit, si Mo-
niales dato stipendio vocent Sacerdotem ad legen-
dam Missam, ut eam audire possint, sed *Gob.* n.
549. refert decretum *S. Congreg.* approbatum ab
Vrb. VIII. expressè dicens, quod illi Sacerdotes,
qui nullâ aliâ obligatione in Confraternitatibus vel
Monasteriis Monialium celebrant, quâm pro orna-
tu Ecclesiæ, vel ut Confratres aut Moniales satis-
faciant præcepto Missæ, non possint ultra stipen-
dium, quod accipiunt à Confraternitate vel Mo-
nasterio, aliud à quoquam alio recipere.

¶. IV. Si ad foundationem aliquam de se tenuem 834
adjecta sint legata per benefactores, & nesciatur, an
pro solo fundatore, an etiam pro benefactoribus
sint legendæ Missæ, *Gob.* n. 594. putat non necessa-
riò esse his applicandas, nisi positivè constet ita sta-
tuisse, quia jura & DD. non ita loquuntur de his,
ut de fundatore, & censentur voluisse ferre subfi-
dium

dium fundationi non ideo addendo nova onera, hinc putat satis esse eorum cum aliis meminisse in Sacrificio.

§ 35 Etiam hic videri possunt AA. relati n. 330. in fine Q. 119. *Quid facere debeat, qui ante vel post provisionem advertit in se inhabilitatem, vitium vel defectum. R.*

§. I. Qui advertit ante provisionem, per se loquendo, petere non debet illam, priusquam dispensetur: & si fiat inquisitio circa defectus, tenetur manifestare aut recusare beneficium, *Abb. Inn. Butz Nav. Sanch. Laym.* Si tamen sine infamia vel gravi alio damno non posset subterfugere, posset administrare cum obligatione statim petendi dispensationem uti dictum est n. 781.; essetque talis provisio naturaliter & quasi fundamentaliter valida, ac sanatur per supervenientem dispensationem, *Inn. Swan. Laym. Lott. Diana* p. 4. t. 4. R. 56. *Leur.* p. 2. q. 753.

§ 36 §. II. Qui nulliter est provisus, per se loquendo tenetur beneficium dimittere, aut manifestata nullitate petere de novo titulum: si tamen vitium sit occultum, & hoc postea per dispensationem tollatur, probabile est titulum validari, uti habet *Laym.*, sed hoc non debet cedere in cuiusquam præjudicium, de quo exempla dat *Leur.* q. 760.

§ 37 §. III. *I. Andr. Abb. Felin. Laym.* putant propositum cum defectu, quem sperat brevi cessaturum, v.g. cum irregularitate, defectu ætatis vel scientiae &c., posse aliquando salvâ conscientiâ retinere beneficium nec indigere revalidatione post remotum defectum, quia si observata sint ea, quæ de jure natura sunt necessaria, non censetur esse tantus rigor Constitutionum positivarum, ut velint actum esse ipso jure & facto nullum, quamdiu non rescinditur, sicut enim Cap. *Cum dilectus, de Consuet.*, Cap. 1. de Postu